

## ENARACHUEN JOAERA.

¿Chori maitea, noraño zuaz  
Zabaldurikan eguak?  
—Billatutzero leku obia  
Bildurturikan neguak:  
Etorriko naiz udaberrian  
Alaitutzero kanpuak,  
Egun-sentian poztu zaitean  
Aitzean nere kantuak.

—Neguba beti pasatu oi det  
Zurekiñ sarri pentsatzen,  
Eta begiak ez dute iñon  
Enaracho bat ikusten:  
Udaberriko kanta ederrak  
Ezere ditut aditzen,  
Zeren enara nere maiteak  
Bakarrik naute lagatzen.

Chori beltz maite, udaberriko  
Lore ederren laguna,  
Zure etorrerak azaltzen digu  
Udaberriko eguna:

Zuk nere ustez bear dezu izan  
Guzi-guzien kutuna,  
Bada kaletan ikusten zaitut  
Zabalik ego leuna.

Laister etorri chori maitea  
Ez nadiñ bizi bakarrik,  
Bada biyotza alaitutzero  
Ez da zu bezelakorik;  
Nere leytok zuri begira  
Nago kontentuz beterik,  
Baña neguan ez det izaten  
Begiratzeko gogorik.

Zure kantacho goiz-aldekoak  
Digute, bai, erakusten  
Bedeinkatzeko Egille ona  
Jarririkan errezatzen:  
Berak bizitza guri emanik,  
Beti digula gordetzen,  
Eta kristauak bear dutela  
Bizi Jainkoa alabatzen.

JOSÉ AGUSTIN URREIZTIETA-KOAK.